



EBAZPENA, 2019ko maiatzaren 7koa, Ikastetxe eta Plangintza zuzendariarena, Eibarko Hezkuntza Esparruko Egoitza Zentroan 2019-2020 ikasturtean ikasleak barnetegian onartzeari buruzkoa.

Hezkuntza eta ikasketa-askatasuna herritar guztioi dagokigun eskubidea da, eta Botere Publikoen obligazioa da hezkuntzara berdintasun-egoeran sartzeko gerta daitezkeen mugapen edo desorekei aurre egiteko neurriak hartzea.

Eibarko Hezkuntza Esparruan bada Egoitza Zentro bat, eta modua ematen du ikasketa jakin batzuk familia-egoitzaren tokitik kanpo egiten dituzten ikasleei eskaintza bereziki egokia egiteko.

Otsailaren 22ko 24/2011 Dekretuak 164/2002 Dekretua aldatu du, hau da, Eibarko Egoitza Zentroa sortu eta Eibarko Hezkuntza Esparruaren administrazio- eta antolakuntza-egitura zehazten duenak. 24/2011 Dekretu horren arabera, Hezkuntza Saileko Ikastetxeen zuzendariaren ebazpen batek arautuko ditu honakoak: nola onartu ikasleak Eibarko Hezkuntza Esparruko egoitza-zentroan eta nola aurkeztu eskabideak eta zein epe eta modutan, zer dokumentazio erantsi behar zaien eskabideei eta zein epetan emango.

Horretarako, eta beti ere 164/2002 Dekretuko 19. artikuluekin bat etorritik, hau

EBAZTEN DUT

1.Artikulua.- Eskabideak aurkezteko epea. Hona egoitzan tokia eskatzeko epea: uztailaren 1etik 26ra, egun biak barne. Ebazpen honetako eraskinean zehazten da egutegi osoa.

2.Artikulua.- 220 lagunentzako lekua izango da gehiena. Deialdia erabat ebatzi ondoren, plaza hutsik geratuz gero, Egoitza Zentroko zuzendariak egoitzan beste zenbait pertsona onartzeko baimena eman ahal izango du, eskabidea egiten duten unetik ikasturtea amaitu arte, betiere ezarritako eskakizunak betetzen badituzte.

3.Artikulua.- Hezkuntzako lurralde-ordezkaritzek edo deialdi honen xede den egoitza-zentroak ematen dituen inprimakietan egin beharko dira eskabideak. Inprimaki horietan jasotzen da zein datu eman behar dituzten eskatzaileek eta zein dokumentu aurkeztu. Aipaturiko inprimakian eskaerari erantsi behar zaizkion dokumentuetako erlazioa jasotzen da.

4.Artikulua.- Inprimakian behar izandako eskaera eta dokumentazioa Eibar Egoitza Zentroan aurkeztuko da, Herri-Administrazioen Araubide Juridikokoaren Legedi Orokorrean, urriaren 1eko 39/2015 Legeko 16. artikuluan aurrez ikusitako leketan, eta 72/2008 Dekretuan, apirilaren 29koan, Euskal Autonomia Erkidegoko Administrazio Orokorrean eta bere erakunde autonomiadunen erregistroen sorrera, antolaketa eta funtzionamenduari buruzkoan datozenetan.

Eskaera posta-bulego batean aurkeztea aukera dezanik egotekotan, irekiren gutun-azalean egingo da, posta funtzionarioak ziurtatu baino lehen eskaera data eta zigilua ipin dezan.

Eskaerarekin batera eskabide-orrian eskatutako dokumentazioa aurkeztu behar izango da. Aipatutako Dekretuaren arabera, 20 artikuluan, 2018-2019 ikasturtean Egoitza Zentroan egon diren pertsonak eskaera aurkeztetik salbuetsita egongo dira, baldin eta aipaturiko ikasturtean matrikulatuta egon ziren ikastetxeko egonaldiko baldintzak betetzen badituzte eta 2019-2020 ikasturterako matrikula egin badute. Pertsona hauek eginez batera onartutak izango dira Egoitza Zentroan.

5.Artikulua- Herri Administrazioen Araubide Juridikoaren eta Administrazio Prozedura Erkidearen Legeak esaten duen bezala, 68.artikuluan, prozedura hasteko eskabidean betetzen ez badira interesdunari eskakizuna egingo zaio hamar eguneko epean akatsa zuzentzeko edo aurkeztu ez dituen nahitaezko agiriak eramateko. Era berean, jakinarazi egingo zaio, horrela egiten ez badu, eskaeran atzera egin duela ulertuko dela, horretarako ebazpena 21. artikuluan jasotako moduan eman ondoren.

Eskaera Egoitza Zentroan egiten bada, errekerimendu honen aurkezpena, une berean egin ahal izango da. Eskaera aurkezten duen pertsonak, eskakizun honen harrera idatzizko ordainagiria utziz.

6.Artikulua- Interesatuen datuen erabilera eta funtzionamendua honako lege honek arauten ditu: 3/2018 Lege Organikoak, abenduaren 5ekoak, Datu Pertsonalak Babestekoak eta Eskubide Digitalak Bermatzekoak.

AMAIERAKO XEDAPENAK

Lehena- Hezkuntza Saileko Ikastetxe eta Plangintzaren zuzendariaren Ebazpen honen kontra, gorako errekurtoa jarri ahal izango zaio Hezkuntzako sailburuordeari hilabeteko epean, ebazpen hau Euskal Herriko Agintaritzaren Aldizkarian argitaratu eta biharamunetik aurrera.

Bigarrena- Ebazpen honek ondorioak izango ditu Hezkuntza Saileko web orrian argitaratzen denean. Bertan mantenduko da, eranskinekin batera, deitutako prozedura amaitu arte eta hura betetzeko errekurso-epeak igaro arte.

Vitoria-Gasteizen, 2019ko maiatzaren 7an
EUGENIO JIMENEZ IBÁÑEZ
Ikastetxe eta Plangintza zuzendaria

ERANSKINA

EIBARKO EGOITZA ZENTROAN IKASLEAK ONARTZEKO PROZEDURAREN
EGUTEGIA. 2019/2020 IKASTURTERAKO.

1.- Deialdi bakarra:

Eskabideak eta dokumentazioa aurkeztea	Uztailaren 1etik 26ra bitartean
Behin-behineko zerrendak argitaratzea	Uztailaren 30ean
Behin-behineko zerrenden kontrako erreklamazioak jartzea	Abuztuaren 7a arte, egun hori barne
Behin betiko zerrendak argitaratzea	Abuztuaren 12an
Behin betiko zerrenden kontra gorako errekurtsoak jartzea	Irailaren 12a arte, egun hori barne